



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 47. Ludovicus Imperator restitutus.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

mo primo, Indictione duodecima scilicet anno salutis humanæ octingentesimo trigesimo quarto datis confirmari curavit. Tum munus Episcopale in nova sua Diœcesi pro virili implere cœpit, multosque paganos eximia virtutis exemplo ad veram Fidem pertraxit. Danorum aut Sclavorum liberos coemebat, captivosque redimebat, qui deinde in agnitione veri Dei educabantur. Horum aliquos in Monasterium suum Turholten- se in Flandria mittebat. Porro quidam veteris Corbejæ Monachi itinerum suorum comites egregiam operam ad propagandam fidem contulerunt. Cum etiam S. Ansharius complures Reliquias quatuor Sanctorum, Episcoporum Remensium, videlicet, S. Sixti, S. Sinnicii, S. Materniani, & S. Remigii, ab Ebbone sibi datas attulisset, illas quæ S. Sixti & S. Sinnicii erant, Hamburgi, ceteras in aliis suæ Diœcesis locis deposuit.

§. XLVII.

Ludovicus Imperator restituitur.

Ebbo eodem año octingentesimo trigesimo quarto comprehenditur, & in Abbatia Fuldensi includitur jubente Ludovico Imperatore, qui a Lothario filio pressus post breve temporis spatium pristinam potestatem recuperavit; quippe Ludovicus & Pipinus alii duo filii Impera-

Sæculum IX.
A. C. 834.

vit. 21.

Adam. lib. I.
c. 19.

Sæculum IX. toris ad liberandum patrem arma strenue arripuerant, quorum conjunctis viribus imparem se sentiens Lotharius Imperatorem Patrem in Monasterio S. Dionysii in Francia liberum reliquit. His qui apud Ludovicum erant, suadentibus ut summæ Dignitatis insignia statim resumeret, ipse tamen id distulit in alteram diem, quæ erat Dominica secunda Quadragesimæ anno octingentesimo trigesimo quarto. Illa die Ministerio Episcoporum Ecclesiæ reconciliari voluit, & ex eorum manibus recipere gladium, quem sibi abstulerant, non vero coronam, quam a solo Deo acceperat.

Anno sequente octingentesimo trigesimo quinto mense Februario Imperator Theodonis Villæ Comitia celebravit Conciliis adnumerata, quo Episcopi plusquam quadraginta convenerunt. Præerat vero Drogo Episcopus Metensis tanquam Diocesanus & Archicapellanus, quæ Dignitate brevi abhinc tempore ornatus fuerat, atque honoris causa Archiepiscopus dicebatur. Deinde occurrunt octo Metropolitæ, Hetto Trevirensis, Autgerus Moguntinus, Ragnoardus Rotomagensis, Landranus Turonensis, Aldricus Senonensis, Notho Arelatensis, Ajulfus Bituricensis, & Ebbo Remensis, illuc ex Monasterio Fuldensi deductus. Inter Episcopos ceteris magis noti nobis sunt Frecul-

A. C. 835.

Astronom.

v. Coint. an.
830. n. 57.
834. n. 4.

Freculfus Lexoviensis, Jonas Aurelia-
 nensis, Erchanradus Parisiensis, Huber-
 tus Meldensis, Baduradus Paderbornen-
 sis, Rotadus Sueffionensis, Hildemannus
 Bellovacensis, Modovinus Augustodu-
 nensis, Favo Catalaunensis.

Sæculum IX.
 A. C. 835.

Narr. Cler.
Rem. Duch.
 to. 2. p. 31.

Episcopi congregati nihil prius ha-
 buerunt, quam ut acta omnia contra Lu-
 dovicum Imperatorem rescinderent,
 quæ singuli Episcopi præsentibus datis li-
 bellis sua manu signatis nulla ac irrita esse
 pronunciarunt. Tunc omnibus visum
 ad Civitatem Metensem transeundum,
 ut Ludovicus restitueretur ritu sole-

Theod. II.
 c. 20.

mnio, si id in Ecclesia Cathedrali fieret.
 Ibi in Dominica Quinquagesimæ die ul-
 tima Februarii Drogo Episcopus Meten-
 sis, cum ambonem conscendisset, omnia
 quæ Theodonisvillæ ad restituendum Im-
 peratorem acta erant, legit. Deinde
 Ebbo eundem ambonem conscendit, &
 publice confessus est, quod sententiam
 injustam contra Imperatorem Dominum
 suum tulisset, cum ei poenitentiam publi-

Astron. Flod.
ibid. epist.
Car. ad Nic.
Pap. to. 3.
Conc. p. 877.

cam injunxisset, postquam injuste &
 falsis accusationibus violatus ab imperio
 fuisset depositus; addidit, quod jam Lu-
 dovicus juste & legitime esset restitutus.
 Hanc suam Confessionem Ebbo sua manu
 signatam Imperatori tradidit, quæ dein-
 de in tabulario Ecclesiæ Metensis asser-
 vata. Tunc autem aliis septem Archi-

Hincm. de
præd. c. 36.
 p. 324.

Sæculum IX. A. C. 835.
 Ann. Bert. 235.
 episcopis septem Orationes in reconciliatione pœnitentium recitari solitas super Imperatorem cantantibus Episcopi coronam ab Altari accipiunt, & eidem imponunt. Hæc inter Missæ solemniam omni populo Gratias Deo agente & lætitiâ maximam profitente acta.

§. XLVIII.

Ebbo depositus.

Inde Episcopi Theodonisvillam regressi contra Episcopos reos, quorum plerique in Italiam sub Lotharii præsidium confugerant, Judicium formarunt. Hilodemannus Bellovacensis, in Concilio præfens, quod sibi objiciebatur, diluit. Agobardus Lugdunensis & Bernardus Viennensis depositi, ille quod ter vocatus non venisset, hic vero, quod postquam venisset, fuga deinde se proripuisset. Obtinuerunt Episcopi, ut Dignitatis Episcopalis honori daretur, ut Ebbo in Sacratio extra conspectum Laicorum judicaretur. Prementibus adversariis, ut factorum rationem redderet, conquestus est, quod a se solo pœna exigeretur factorum tot aliis Episcopis præsentibus. At illi excusare, quod coacti adfuissent quidem, cum impium facinus in Imperatorem attentaretur, sed sancte affirmare, se minime consensisse. Tunc Ebbo intelligens, se ab omnibus destitui, Monachum

*Epist. Car.
 ad Nicol.
 Astronom.*